BAB PERTAMA
BAB PERTAMA

PENGENALAN

1.0 PENDAHULUAN

Fatwa merupakan penyelesaian hukum Syara’ yang dikeluarkan oleh Mufti mengenai sesuatu permasalahan setelah disoal oleh masyarakat. Ia memainkan peranan penting dalam masyarakat kerana kemampuannya untuk menyelesaikan permasalahan mengikut lunas-lunas Syariat Islam. Seterusnya membentuk masyarakat yang memahami dan mengenal Islam dengan cara yang sebenar. Oleh itu, tugas mengeluarkan fatwa hanya boleh dilakukan oleh individu atau pihak yang berwibawa sahaja untuk menjamin kualiti dan ketepatan fatwa yang dikeluarkan. Orang yang dimaksudkan ialah Mufti. Syarat yang digariskan oleh Ibn. Qayyim untuk menjadi Mufti ialah:

i. Mempunyai niat yang ikhlas dalam memberi fatwa.

ii. Mempunyai ilmu yang mantap.

iii. Bersikap sederhana terhadap harta (sikap tidak boros dan kedekut, sebaliknya berada di antara kedua-duanya).

---

1Halim El-Muhammady, Sumber Undang-undang Islam Dari Pandangan Orientalis, (1994), Selangor, Penerbitan Budaya Ilmu, m.s. 60.
iv. Memahami keadaan hidup masyarakat setempat.

Berdasarkan syarat-syarat yang di kemukakan, dapat difahami bahawa seseorang mufti bukan sahaja perlu mempunyai ilmu yang kuku dalam pengajian Islam, malah bersikap ikhlas, sederhana dalam menggunakan harta dan pangkat terhadap masyarakat sekeliling. Selain itu mufti juga perlu memahami realiti kehidupan masyarakat setempat serta keperluan semasa yang bersifat kontemporari. Perkara-perkara ini dapat menjamin fatwa yang dikeluarkan benar-benar menepati kehendak Islam dan bukan berdasarkan kepentingan tertentu.  

Kegiatan mengeluarkan fatwa ini sebenarnya berlaku sepanjang sejarah perkembangan perundangan Islam. Ini kerana setiap permasalahan yang berlaku dalam masyarakat perlu diselesaikan melalui metodologi hukum yang berasaskan fatwa. Metodologi pengeluaran fatwa juga merupakan elemen terpenting bagi menjamin penghasilan fatwa yang sentiasa berada di jalan yang benar dan di atas landasan Syariat Islam yang bertepatan dengan kehendak Allah S.W.T. Seterusnya dapat menjamin kehidupan masyarakat yang sentiasa akur dan menghormati serta mentaati segala yang terkandung dalam syariat Islam daripada Ilahi. Fatwa juga

3 Ibid., m.s 170.
amat penting untuk membentuk generasi yang mengamalkan corak kehidupan berasaskan Agama Islam yang syumul.⁴

1.1 DEFINISI FATWA

Fatwa berasal daripada kata dasar ‘fata,yafta’ (فَتَّى، يَفْتَى).⁵ Pelbagai definasi fatwa yang diberikan, iaitu:

1. Menurut kamus Al-Raid, maksud fatwa ialah apa yang difatwakan oleh orang ‘alim mengenai masalah-masalah syariah dan seumpamanya.⁶

2. Menurut Doktor Nadiah Syarif al-Umari pula ialah apa yang diberitahu oleh Mufti bagi menjawab soalan atau menerangkan hukum-hukum, sekiranya tiada soalan yang khusus.⁷

3. Mengikut takrif Kamus Dewan ialah keputusan agama yang diberikan oleh orang ‘alim-ulama atau mufti mengenai sesuatu masalah.⁸

---

⁴ Mohd Daud Bakar (Dr.) Instrumen Fatwa Dalam Perkembangan Perundangan Islam, (APIUM), Jurnal Syariah, Jil. 5, bil. 1, Januari 1997, m.s 5.
⁵ Kamus Munjid, 1977, Beirut, Dar al-Mashriq, m.s 595.
⁶ Jubran Mas'ud, Kamus al-Raid,(1977), Beirut, Dar al-Ilmi, m.s 1100.
Berdasarkan takrif-takrif ini, dapat disimpulkan bahawa fatwa merupakan penyelesaian hukum syara' yang dikeluarkan oleh mufti setelah disoal oleh masyarakat awam.

Terdapat ayat al-Quran yang menunjukkan bahawa fatwa wujud setelah disoal oleh masyarakat. Contohnya seperti:

"ستفتونك قال الله يفتيكم في الكلالة"

Maksudnya:

"Mereka meminta fatwa kepada engkau (Muhammad), katakanlah Allah memberikan fatwa kepada mereka tentang Kalalah".

"ويستفوكم في النساء قال الله يفتيكم فيهن"

Maksudnya:

"Mereka meminta fatwa kepada engkau (Muhammad) tentang wanita, katakanlah Allah memfatwakan kepadamu darihal mereka itu".

---

7 Nadiah Syarif al-Umari (Dr.), *Ijtihād Rasūl*, (t.t), Beirut,Muassasah al-Risalah, m.s. 21.
8 *Kamus Dewan Bahasa Dan Pustaka*, (1989),Kuala Lumpur, Kementerian Pendidikan Malaysia, m.s. 323.

1.2 HUKUM MENGENLUARKAN FATWA

Seseorang mufti yang mempunyai syarat yang cukup untuk menyalakkan dirinya memberi fatwa wajib mengeluarkan fatwa apabila disoal tentang sesuatu masalah hukum. Hukumnya berdosa jika seseorang mufti tidak menjawab persoalan yang dikemukakan kepadaanya. Hal ini ditegaskan oleh Rasulullah dalam hadis baginda seperti berikut:

**Hadis**

حدثنا محمد بن عبد الله بن حفص بن هشام بن زيد بن أنس بن مالك حدثنا أبو إبراهيم، إسماعيل بن إبراهيم الكرايسي عن ابن عوث عن محمد بن سيرين عن أبي

---

11 Halim El-Muhammady, *op-cit*, m.s. 60.
هريرة قال، قال رسول الله (ص) : من سئل عن علم فكنه أخمه الله يوم القيامة بلحم النار.

Maksudnya:

"Diceritakan oleh Muhammad bin Abdullaah bin Haasf bin Hisham bin Zaid bin Anas bin Malik, diceritakan kepada kami oleh Abu Ibrahim, Ismail Bin Ibrahim al-Karabisi, daripada Ibn. Ash, daripada Muhammad bin Sirin, daripada Abu Hurairah bahawa Rasullullah s.a.w telah berkata: Sesiapa yang ditanya tentang Ilmu kepadanya tetapi dia membisu maka Allah akan mengekang (mulutnya) pada hari kiamat dengan kekangan api neraka"12

Hadis di atas jelas menunjukkan mufti mempunyai tanggungjawab yang berat dalam mengeluarkan fatwa. Perkara ini jelas apabila Allah s.w.t akan menghukum mereka yang tidak menjawab persoalan yang dikemukakan kepadanya berkaitan dengan Ilmu pada hari kiamat kelak. Kewajiban memberi fatwa ini dapat difahami bahawa permasalahan-permasalahan yang berlaku dalam masyarakat tidak boleh dipandang remeh. Sebaliknya perlu diselesaikan mengikut

12 Al-Qazwiniy, Abu Abdullah bin Muhammad bin Yazid, Sunan Ibn Majah, (1975), Dar Al-Ihya' al-Turath al-'Arabi, Jil.1, m.s. 98.

1.3 SEJARAH PERKEMBANGAN INSTITUSI FATWA

Sebelum dikaji perkembangan dan metodologi fatwa di negeri Kedah, maka perlulah ditinjau secara ringkas berhubung dengan sejarah perkembangan fatwa di dalam perundangan Islam. Berdasarkan catatan sejarah Islam perkembangan institusi fatwa dapat dibahagikan secara kasar bahawa ianya berlaku di dalam tiga zaman yang utama, iaitu penulis memperbincangkan perkembangan yang berlaku dalam zaman Rasulullah s.a.w dan para sahabat, zaman Tabi’in dan seterusnya zaman Tabi’ Tabi’in. Fakta perkembangan ini menunjukkan bahawa institusi fatwa mempunyai asas dan perkaitan yang kukuh di antara pengasasnya yang ulung iaitu Rasulullah s.a.w dan sahabat-sahabat, kemudian diteruskan kesinambungannya secara dinamik oleh fuqaha terdahulu.
Fatwa merupakan sebuah institusi perundangan Islam yang wujud sejak zaman Rasulullah s.a.w sehingga hari ini. Antara fatwa yang dikeluarkan oleh Rasulullah s.a.w berasaskan metodologi ijtihad ialah \[14\]

i. Dalam peperangan Badar, ramai tentera musyrikin yang telah ditawan.

Baginda telah berbincang dengan para sahabat untuk tindakan selanjutnya terhadap tawanan-tawanan tersebut. Akhirnya keputusan telah diambil dengan menawarkan satu kaedah tebusan yang membolehkan mereka dibebaskan. Kemudian Allah s.w.t telah menegur keputusan ini kerana ia tidak sesuai dengan keadaan. Allah s.w.t telah berfirman:

ما كان ليئى أن يكون له أسرى حتى ينخن في الأرض

تريدون عرض الدنيا والله يريد الآخرة والله عزيز حكيم.

Maksudnya:

"Tidak patut bagi seorang nabi mempunyai tawanan sebelum ia dapat melumpuhkan musuhnya di bumi. Kamu menghendaki harta benda duniawi


\[14\]Mahmod Zuhdi Abd. Majid (Dr.), Sejarah Pembinaan Hukum Islam, (1988), Kuala Lumpur, Jabatan Penerbitan Universiti Malaya, m.s. 76-78.
sedangkan Allah menghendaki akhirat (untukmu). 
Dan Allah Maha Perkasa lagi Maha Bijaksana.”

ii. Persiapan untuk peperangan Tabuk telah dilakukan pada musim panas (d.179H) yang membakar. Keadaan ini telah menyebabkan mereka yang lemah iman tidak lagi berminat. Di samping itu terdapat juga golongan munafiq yang cuba mengelakkan diri.

Golongan ini bersama-sama dengan mereka yang benar-benar berkeuzuran telah meminta pengecualian daripada Rasulullah s.a.w dan baginda telah memberikan kebenaran tanpa membuat penelitian mengenai siapakah sebenarmya yang berkeuzuran atau tidak. Tindakan baginda ini telah ditegur oleh Allah s.w.t dengan firmanNya :

عفأ الله عنك لم أذنت لهم حتى يتبين لك الذين صدقوا وتعلم الكاذبين.

Maksudnya:

“Allah mengampuni kamu. Mengapa kamu membenarkan mereka yang belum jelas bagimu orang-orang yang benar (dalam keuzuran) dan

15 Al-Quran, Surah Al-Anfal, ayat:67.
Apabila Rasulullah wafat, maka Abu Bakr dilantik menjadi khalifah pertama di dalam pemerintahan Kerajaan Islam. Ketika itu terdapat ramai para sahabat yang keluar berjauhan untuk berperang dengan Musailamah, golongan murtad, puak Sham, puak Iraq dan yang bakinya tinggal bersama-sama dengan


---

16 Al-Quran, Surah Al-Taubah, ayat:43.
17 Ibid. Al-Qaiyim, *Hlal al-Muwaqqi'in*, (1955), Kaerah, Jil.1, m.s. 11-12.
18 Ibid.
tidak terdapat hukum di dalam al-Quran atau al-Sunnah mengenai sesuatu masalah.


Ibn al-Qayyim (m.d. 751H) menyatakan bahawa terdapat lebih daripada 130 orang para sahabat Rasulullah s.a.w terdiri daripada lelaki dan perempuan yang mengeluarkan fatwa mengenai syara'. Terdapat seramai tujuh orang sahabat yang paling banyak mengeluarkan fatwa. Mereka ialah 'Umar ibn al-Khattab, 'Ali bin Abi Talib, 'Abdullah bin Mas'ud, 'Aisyah Umm al-Mu'minin, Zaid bin Thabit, 'Abdullah ibn 'Abbas dan 'Abdullah bin 'Umar.  

Institusi fatwa mula berkembang dengan pesatnya pada zaman pemerintahan Amawiyah, Abbasiyah dan Uthmaniyyah. Justeru itu wujudlah

---
19 Othman Ishaq, *Fatwa Dalam Perundangan Islam, Tesis (Ph.D)*, Universiti Malaya, Kuala Lumpur, 1979, m.s 55.

Semua fatwa yang dikeluarkan oleh para sahabat Rasulullah s.a.w difahami dan dipegang oleh Tabi'in dengan baik. Kemudian fatwa tersebut dipegang oleh Tabi' Tabi'in, iaitu seperti Abu Hanifah, Sufyan ibn Abi Laila, ibn Jarih, Malik bin Anas, ibn al-Majishun,'Uthman al-Buti, Suwar, al-Auza'i dan al-Laith bin Sa'ad. Mereka berpegang teguh pada semua fatwa yang dikeluarkan oleh Ulama (Tabi'in) tempatan sebelum mereka. Selain itu, mereka juga berijtihad sendiri untuk mengeluarkan fatwa sekitanya mereka tidak mendapati hukum tersebut di dalam Al-Quran, al-Sunnah atau fatwa-fatwa yang dikeluarkan oleh Ulama' sebelum mereka.

Seterusnya, golongan Tabi' Tabi'in yang terdiri daripada para pengikut atau murid-murid Imam Abu Hanifah dan Imam Malik yang mempelajari dan mengumpulkan semua fatwa yang dikeluarkan oleh dua imam tersebut telah berpegang teguh dengan fatwa yang dikeluarkan oleh imam mereka. Mereka juga kadangkala berijtihad sendiri untuk mengeluarkan fatwa sekitanya tidak terdapat di dalam hukum berdasarkan al-Quran, al-Sunnah dan fatwa imam mereka.

21 Kertas Kerja Seminar: Mufti Dan Fatwa, Othman Haji Ishak (Dr.), Fatwa Dalam Sistem Pemerintahan dan Kehakiman, (1979), Kuala Lumpur, Institut Kefahaman Islam Malaysia, m.s. 1.
Begitulah juga dengan pengikut-pengikut Imam Syafie dan Imam Ahmad Ibn Hanbal yang mengeluarkan fatwa berdasarkan rujukan fatwa seperti yang dikeluarkan oleh imam-imam mereka. Mereka akan berijtihad sendiri jika mereka tidak mendapat hukum tersebut dalam al-Quran, al-Sunnah dan fatwa imam mereka.  

1.4 METODOLOGI PENGELUARAN FATWA

Metodologi ialah satu sistem yang merangkumi kaedah dan prinsip yang digunakan dalam sesuatu kegiatan, disiplin dan sebagainya. Menyentuh tentang metodologi pengeluaran fatwa di sini, penulis terlebih dahulu meneliti tentang metodologi yang terdapat di dalam al-Quran dan al-Sunnah, seterusnya metodologi yang dipraktikkan oleh Rasulullah s.a.w sendiri sepanjang hayat baginda. Begitu juga bagaimana para sahabat merealisasikan metodologi pengeluaran fatwa sewaktu tinggal berjauhan daripada Rasulullah s.a.w. Apa yang terpenting di sini, sejauhmana kah ketulusan dan keterbukaan Rasulullah s.a.w dalam membenarkan para sahabat mempraktikkan konsep ijtihid dalam merealisasikan metodologi pengeluaran fatwa pada zaman awal kegemilangan Islam.

---

22 Al-Maqrizi, op.cit, m.s. 143.
Apabila diteliti cara al-Quran dan al-Sunnah menjelaskan hukum syara', didapati ada dua cara yang digunakan:  

i. Memberikan ketetapan sesuatu hukum secara langsung tanpa soalan atau pertanyaan daripada pihak tertentu.

ii. Memberikan ketetapan sesuatu hukum syara' sebagai jawapan kepada pihak yang bertanya tentang sesuatu masalah atau kemusykilan. Inilah yang dikatakan fatwa.

Dalam al-Quran, penjelasan hukum syara' bagi masalah dan kemusykilan yang dihadapi oleh para sahabat Rasulullah s.a.w dijelaskan dengan ayat (yas'alunaka, iaitu: mereka bertanya-tentang sesuatu kemusykilan kepadamu-Muhammad) 26 atau dengan ayat (yastaf'una, iaitu: mereka meminta fatwa daripadamu-Muhammad). 27

Melalui al-Sunnah pula, persoalan atau pertanyaan yang diajukan oleh para sahabat kepada Rasulullah s.a.w. Contohnya, Abu Musa al-Asy'ari bertanya

---

24 Kamus Dewan, Dewan Bahasa dan Pustaka, Kuala Lumpur, (1997) (edisi) 3, m.s 87 di bawah perkataan "metodologi".
25 Ibid.
yang ketiga. Punca berlaku perselisihan pendapat ialah disebabkan oleh perbezaan dalam mentafsirkan maksud quru’ dalam firman Allah:

والمطلقات يتربصن بأنفسهم ثلاثة قروء.

Maksudnya:

"Perempuan yang ditalak oleh suami perlu menunggu tiga kali quru’"\(^{30}\)


Fatwa dalam sejarah perkembangan perundangan Islam berlaku dalam bentuk penyampaian hukum, pentafsiran nas-nas hukum syara’ dan pelaksanaan hukum. Tiada seorangpun sahabat akan mengeluarkan pandangan, ijtihad atau fatwa tentang sesuatu perkara sama ada untuk dirinya atau pihak lain, melainkan setelah dirujuk kepada Rasulullah s.a.w terlebih dahulu. Begitu juga apabila berlaku perselisihan pendapat di kalangan mereka, para sahabat akan meminta fatwa daripada Rasulullah s.a.w dan baginda pula adakalanya akan

\(^{29}\) Abdullah Nasih ‘Ulwan, *Pengenalan Syariah Islamiah Fiqh Dan Sumber- s.a.w,*(Terj.), Abdul Rashid Daud, (1989), Pustaka Salam, m.s. 97-98.

menjelaskannya berasaskan wahyu dan adakalanya pula berasaskan ijtihad baginda sendiri.

Walau bagaimanapun ada ketikanya sahabat memberikan fatwa berasaskan ijtihad mereka sendiri tentang beberapa masalah tanpa merujuk kepada Rasulullah s.a.w. Ini berlaku disebabkan kesukaran untuk menemui Rasulullah s.a.w, sedangkan permasalahan itu memerlukan penyelesaian yang segera. Kebiasaannya perkara itu akan disampaikan atau dibentangkan semula kepada Rasulullah s.a.w bagi mendapatkan persetujuan atau perakuan baginda. Keadaan sedemikian menyebabkan ijtihad serta fatwa sahabat sangat terbatas, terkawal dan sekaligus pemantauan dilakukan oleh Rasulullah s.a.w dari semasa ke semasa.

kepada fatwa-fatwa yang dikeluarkan oleh Ulama-ulama Tabi’in terlebih sebelum berijtihad sendiri. Metodologi ini menjadi berpanjangan sehingga melahirkan pengikut-pengikut (al-Muqallidun) yang berpegang teguh kepada fatwa-fatwa imam masing-masing.

1.5 KEPENTINGAN DAN AUTORITI FATWA


Ulama’ Usul al-Fiqh mempunyai pendapat yang berbeza mengenai autoriti fatwa sahabat dalam sumber perundangan Islam. Mengikut pendapat Jumhur al-Fuqaha’ al-Sunnah, fatwa sahabat adalah menjadi hujjah (sumber hukum yang mutlaq) selepas al-Nass (al-Quran dan al-Hadith) dalam perundangan Islam.\[31\]

Fatwa merupakan tugas mulia dan agung serta mempunyai risiko yang tinggi. Hal ini kerana seorang mufti, mengikut Dr. Yusuf al-Qardhawi seperti yang dipetik daripada kata-kata Imam al-Syatibi, adalah menempati kedudukan Nabi

\[31\]Ibn.Al-Qaiyim, op-cit, Jil.1,m.s. 223-227.
Muhammad s.a.w sebagai pengganti dan pewaris baginda. "Ulama' adalah pewaris para Nabi" di dalam tugas menyampaikan ajaran-ajaran Allah s.w.t, mengajar, memberi petunjuk kepada umat manusia ke arah jalan yang benar serta memberikan peringatan kepada mereka dari ancaman seksa bagi yang menyeleweng.32 Seorang mufti, di samping beliau berkewajiban menyampaikan hukum-hakam Allah s.w.t yang sedia ada, juga bertugas untuk mengkaji dan menganalisa ketentuan-ketentuan hukum bagi permasalahan dan kemusykilan yang baru berdasarkan kaedah-kaedah Syariat Islam dalam kerangka ijtihad. Pada posisi ini, seorang mufti menempati kedudukan Rasulullah s.a.w yang wajib diikut dan dipatuhi ketentuan fatwanya.33

Imam Ibn al-Qayyim seperti yang dipetik oleh Dr. Yusuf al-Qardhawi telah menganggap bahawa seorang mufti adalah sebagai seorang pemberi khabar tentang ketentuan hukum Allah s.w.t dalam satu-satu perkara melalui ijtihad dan fatwanya. Dalam muqaddimah kitabnya, 'l'ilamu al-Muwaaqi'in 'an Rabb al-'Alamin', beliau berkata "Apabila tandatangan seorang raja (dan persetujuannya tentang sesuatu) memiliki keistimewaan dan kemuliaan yang tidak dinafikan, apatah lagi tandatangan dan persetujuan Rabb (Penguasa) langit dan bumi...?"34

32 Al-Syatibi, al-Muwāfaqāt,(Edit), Sheikh Abdullah Daraz, Jil.4, m.s. 244-246.
34 Yusof al-Qaradhawi, op-cit,m.s. 8.

Fatwa yang dikeluarkan oleh mufti merupakan satu keputusan hukum yang mampu memenuhi kehendak Islam. Hal ini berdasarkan kepada syarat-syarat ketat yang perlu ada pada seseorang mufti. Mereka bukan sahaja perlu mempunyai ilmu yang mendalam dalam bidang yang berkaitan dengan fatwa, malahan mempunyai niat yang baik serta etika yang luhr dalam keperibadiannya.

35 Rahimin Affandi Abd. Rahim (Dr.), Ijtihad: Satu Analisis Perbandingan, Jurnal Syariah, APIUM, Jil. 1, Bil. 2, 1993, m.s 154-156.

36 Jamaluddin al-Qasimi, Kitab al-Fa'ilwâ Fī al-Islâm, (t.t), Beirut, m.s. 16-18.
1.6 PENGARUH TAQLID DALAM PEMBENTUKAN FATWA DAN KESANNYA


Akhirnya timbullah fahaman taqlid atau mengikut ajaran yang
dikemukakan oleh satu mazhab dan seterusnya tertubuhlah mazhab perseorangan
iaitu Mazhab Hanafi. Mazhab Maliki, Mazhab Syafi’e dan Mazhab Hanbali kerana
pengikut-pengikut (al-Mugallidun) berpegang teguh pada ajaran atau fatwa yang
dikeluarkan oleh imam masing-masing.\textsuperscript{39} Oleh itu lahirlah fatwa yang berdasarkan
mazhab dan bukan melalui ijihad sendiri.

Pada kurun keenam Hijrah, perkembangan hukum terhenti secara
keseluruhan akibat serangan Monggol ke atas Kota Baghdad yang merupakan
Mereka menumpukan perhatian untuk mengekalkan kehidupan sosial umat.
Dengan itu mereka menjauhkan segala pembaharuan dan pemikiran baru dalam
hukum syara'.\textsuperscript{40} Hal ini ini menyebabkan hukum Islam menjadi kaku dan tidak
mengikut realiti semasa yang berlaku dalam masyarakat. Dengan itu hukum Islam
tidak lagi berfungsi sebagai mempengaruhi dan mengawasi tamadun Islam.
Akhirnya hukum Islam berada dalam keadaan terpisah di antara hukum dan umat
Islam. Justeru itu, lahirlah fatwa-fatwa yang berasaskan rujukan mazhab tertentu
semata-mata.

\textsuperscript{39} \textit{Ibid.}, m.s. 21.
Kelesuan dan kebekuan pemikir Islam dalam mengeluarkan fatwa mengikut realiti semasa berlaku dalam jangka waktu yang panjang. Gerakan kembali kepada ijtihad sebagai metodologi pengeluaran fatwa dilakukan oleh Ibn Taimiyyah. Beliau telah mengeluarkan fatwa baru yang bercanggah dengan idea-idea yang telah dikeluarkan oleh ulama'-ulama' sebelumnya.

Kini, fatwa dikeluarkan berdasarkan kedua-dua metodologi iaitu taqlid kepada mazhab dan berdasarkan kepada ijtihad sendiri. Tokoh terkemuka dalam mengeluarkan fatwa masa kini ialah Dr. Yusuf al-Qaradhawi.

Taqlid adalah sesuatu yang baik untuk penyelarasan dan penyeragaman kefahaman serta perlaksanaan syariat dalam masyarakat. Sebaliknya taqlid menjadi bahaya kepada masyarakat dan perkembangan ilmu jika menimbulkan sikap fanatik kepada mazhab tertentu sahaja dan menolak sepenuhnya yang lain. Suasana fanatik mulai timbul dalam masyarakat selepas perkembangan pemikiran atau budaya taqlid ini menguasai metodologi pengeluaran fatwa. Ini terbukti daripada kegiatan keilmuan dan pelaksanaan syariat. Setiap mazhab fiqh menumpukan kepada pemikiran dan metodologi masing-masing dalam ruang lingkup yang terbatas.

40 Ibn.Abidin, Majmū'ah Rasā'ūl Ibn Abīdīn, (1325 H), Beirut, m.s. 16-18.
Akhirnya timbul kecenderungan dalam masyarakat budaya menafikan mazhab yang lain daripada mazhab yang diikuti. Perkara-perkara Furu’ Fiqhiyyah menjadi bahan polemik dalam masyarakat sehingga membawa kepada penggugatan kesatuan dan perpaduan umat.

Kesimpulannya, pengaruh budaya taqlid dalam pembentukan fatwa memberi banyak impak yang negatif kepada fatwa itu sendiri dan juga masyarakat setempat. Seseorang mufti atau sesuatu institusi fatwa perlu mengelakkan dan membebaskan diri daripada budaya taqlid. Metodologi ijtihad dalam menyelesaikan permasalahan-permasalahan baru yang timbul adalah diakui sejak zaman Rasulullah s.a.w, para Sahabat dan para Tabi’in. Pengeluaran fatwa berasaskan ijtihad perlu dipraktikkan bagi menghasilkan fatwa yang bersesuaian dengan realiti semasa, keadaan dan kedudukan masyarakat Islam yang membangun dan maju.